VIT ORAISON

FVNEBRE

SVR LE TRESPAS DE hault, puissant & Illustre Messire Pompone de Believre Cheualier & Chancelier de France.

Prononcée en l'Eglise de S. Germain de l'Auxerrois le 17. Septembre 1607.

Par M. PIERRE FENOLLIET Docteur en Theologie, Predicateur ordinaire du Roy, & nommé par sa Majesté à l'Euesché de Montpellier.

Beleveur



A PARIS,

Chez Rolin Thierry, rue S. Iaques, au Soleil d'or.

1607.

AVEC PRIVILEGE DV ROY.

Digitized by the Internet Archive in 2010 with funding from University of Toronto

VIT ORAISON

FVNEBRE

SVR LE TRESPAS DE hault, puissant & Illustre Messire Pompone de Believre Cheualier & Chancelier de France.

Prononcée en l'Eglise de S. Germain de l'Auxerrois le 17. Septembre 1607.

Par M..PIERRE FENOLLIET Docteur en Theologie, Predicateur ordinaire du Roy, & nommé par sa Majesté à l'Euesché de Montpellier.



A PARIS,

Chez Rolin Thierry, ruë S. Iaques, au Soleil d'or.

1607.

AVEC PRIVILEGE DV ROY.

9

ché Boleveur n Che chanel

Acr 83-101 (34) } .. made the british have need



Oraison Funebre.

Iustorum semita quasi lux splendens, procedit & crescit vsq; ad perfectam diem.

PROVERB. 4.



OMBIEN dure & fascheuse est la condition de l'homme, & la loy de ses desirs, (tres-illustre & Chrestienne as-

semblee) qu'il ne puisse vouloir la gloire du ciel à ses amis sans agreer leur mort, ny regreter leur mort, sans regreter leur gloire! par ce que, Dieu ayant voulu que la mort sust la porte de la vie, pour effacer nostre difgrace, laquelle violant l'innocence

A ij

premiere, auoit faict de la vie la porte de la mort, l'homme est demeuré confus en soy-mesme, ne pouuant separer ces deux choses, que Dieu auoit assemblées; ny penser au repos de l'immortalité, sans penser au passage. Orilarriue ordinairement que les pertes messées auec les aduantages, & generalement les grands bies attachez aux grands maux partagentnoz desirs, & rendent noz volontez douteuses & incertaines. Car si les biens caressent d'vn costé noz affections & les attirent à eux, de l'autre, les maux cojoints les rebutét & degoustét noz appetits. Et voicy le premier chefde mes apprehésions en ceste action Funebre, que ie dresse en l'honneur, & pour la memoire de ce grand Chancelier de France, Messire Pompone de Belie-VRE, en laquelle, la perte, & les bies,

c'est à dire, les sujets contraires de tristesse & de ioye, se presentans à la fois, ie me sens combattu de deux contraires passions. Si ie considere ceste ame, que deuotement nous croyos l'estre enuolée dans les cieux, & contemple ces illustres actions, qui luiront eternellement en la memoire des François, il me faudra paroistre en ce lieu ioyeux & content, pour celebrer sa gloire, & les souanges de ses vertus. Si au contraire i'abaisse ma veuë dansce mode; voyant vne grande lumiere esteinte dans la France, il me faudra changer le ton ioyeux de ma voix aux tristes accens de noz douleurs: & ne pourray representer, auec vous, le tendre ressentiment de mon cœur qu'auec les larmes; larmes tesmoins de noz regrets, regrets conceuz de nostre perte, perte que tu as faite, ô France,

A iij

& que tu plaindras aux siecles à venir!

Mars, soit que ie me presente à vous pour louer, ou pour plaindre, mes apprehensions acroissent par la grandeur du sujet, & sur tout, me voyant porté en veuë de tant d'images viuantes de la Majesté de Dieu. C'est pourquoy ie m'accuse moymesme de paroistre en ce lieu, qui autant que ie puis apporter de zele à l'honneur du defunct, d'estonnement à ses merites, & de vœuz à sa gloire, autant ie cognois, que ma foiblesse & mon insuffisance ne peut respondre au deuoir de ceste action, digne des beaux esprits que la France nourrit, & qui auroient faict paroistre sur ce sujet les aduantages heureux d'vne riche eloquence. Et de faict, les Romains anciennement auoient coustume de choisir les plus excellens & rares Orateurs, pour haranguer en l'honneur, & aux funerailles des hommes illustres: & nous sçauonsque le mesme se practiquoit entre les Grecs, non seulement pour fauoriser leur vertu, laquelle combattue quelquefois & trauersée durant leur vie, se faisoit en sin recognoistre apres leur mort, comme le grand bouclier d'Achille, destiné au plus vaillat de la Grece, fut sauué du naufrage, pour serendre vers la tombe d'Aiax: mais encor, par ce que les louanges des morts affrachis de l'enuie, estoient des leçons admirables & puissantes pour instruire les viuans. Que feray-ie donc dans ce triste silence que vous me prestez en ce lieu tapissé de noir, me voyant obligéà discourir des graces & diuines qualitez que ce grand Chancelier auoit receu du ciel, pour le bien

ORAJSON

de la France, sinon couurir mon action de mon obeissance, & vous souhaiter autant de bien-veillance en mon endroit, que l'apporte de zele & de fidelité? Enquoy cela me console merueilleusement, que ses vertus sont tant cogneues p & resplendissent tellemet de tous costez; qu'elles n'ont point besoin d'empruter la lumiere de mon discours. Il me suffit de les nommer, Messieurs, elles se preschent soy-mesme, & se grauent dans l'eternité, & ie lis courant dans voz cœurs, & sur voz faces, leur memoire & leur honneur.

CERTES, Cest vn grand point gaigné, quand toutes les parties de la vie sont belles ; & que la mort apres, fait vne riche closture de ses perfections: quand la vertu, paroifsant en la naissance, suit iusques au tombeau; à fin que les extremitez se baisent

baisent pour faire le cercle de l'honneur. Auquel sens, on peut entendre le dire des anciens, Bonitas est in centro, pulchritudo verò in circulo, que la bonté est au centre de l'ame, duquel on tire toutes les lignes droites de ses actios: mais que la beauté paroist au cercle de sa vie, laquelle partout semblable, & tousiours vertueuse, fait vne riche couronne pour l'immortalité. Alors toutes choses sont plaines & vnies pour se donner carriere aux louanges, & courir iusques au bout: on peut nommer cela vn tableau parfait, où rien n'offense les yeux, & ne faut point d'artifice pour couurir les vices, & les cacher, come fit Appelles qui flattant le pourtrait du Roy Antigonus, ne le representa qu'à pourfil & d'vn costé, pour cacher le defaut de l'œil qui luy manquoit.

OR maintenant quiconque iettera les yeux sur les belles actions de ce grand Chancelier, qui verra reluire en toutes les parties de son aage l'integrité en sa foy, l'innocence en ses mœurs, la temperance en ses desirs, la fidelité au Roy, l'amour à la France, la preuoyance aux dágers, la prudence aux affaires, la patiéce aux malheurs, la force d'esprit aux difficultez, & comment la vertu fidele compagne de ses desseins, l'a conduit sur le chariot triomphant de ses merites, par le milieu des grades & dignités plus eminentes, au feste de l'honneur; iugera que sa vie est vne image parfaite, que l'on peut representer de front, toute entiere & à tous les iours; de la quelle les rapports admirables, les traits hardis, & les viues couleurs recommandent la gloire de son ouurier. Mais aussi, ce qui

sert de beauté & de perfection à ce tableau, de merueille à voz yeux, sere d'estonnement à mon ame, pour la rendre sterile par l'abondance, & faire mon discours d'autat plus pauure, que mon sujet est riche & glorieux. Et m'arriue come a celuy qui entre das un jardin remply de fleurs, ne sçait bonnemet quelle choisir, tat chacunea de grace&de beauté pour se faire priser: de mesme entrant en la consideration des vertus; dont les souesurs s'exhalent encor de ce cercueil, chacune à part m'appelle par son merite, & toutes ensemble m'estonnent de leur grandeur.

CAR si pour commencer, ie veux m'arrester mesme aux faueurs de la nature, il me saudra recognoistre en quelque saçon veritable le dire des anciens, qu'elle sormoit les corps pour les ames du comun, mais que

les Dieux pestrissoient ceux qui deuoient seruir aux ames grades, comme precieux outils de leur diuines actions. C'est pourquoy, outre que la longueur de ses années, arriuée au nombre de soixante & dixhuict, puisse monstrer la ieunesse sobrement & chastement passée, encor sert-elle de tesmoignage d'vne forte & vigoureuse complexion, auec l'auantage qu'il auoit d'vne taille riche & pleine de majesté: Non illi pufillum corpus ad contemptum, sed procerum es eminens'ad imperium. Et combien que les choses qui nous arrinét sans nous, n'ayent point de part proprement en nos louanges; neantmoins se sont tousours ouurages parfaits en la nature, & qui seruent d'augure d'vne secrete essectio pour toutes choses hautes & glorieuses. Comme aussi nous faisons estat de

l'exemple de nos peres, & de nos ayeuls pour nous conuier à les entreprendre & les suiure. Car il faut cofesser que les impressios qui nous viennét de là, sont merueilleusemet fortes en nostre endroit; & la vertu, ce semble, ne trouve point de langue plus diserte & plus fauorable pour se faire embrasser, que les belles actios de nos ancestres, qui nous la conseillent puissamment, & nous en donnent l'amour auec le sang.

DE ce costé tout estoit grad pour nostre defunct extraict des plus nobles & anciennes familles, de ges de Conseil & de Iustice, lesquels apres auoir longuement seruy noz Roys en plusieurs grandes charges & ambassades, ont successiuement consiné leurs iours en l'ossice de premier President au Parlemet de Dauphiné; car il estoit secod fils de seu Messire

CLAVDE de BELIEVRE premier President de Grenoble, la memoire duquel est precieusement recueillie de ceste prouince & de toute la France. Sonfrereaisné Messire IEAN de BE-LIEVRE sieur de Haute-fortsucceda quelques iours apres la mort du perc à la mesme dignité, comme il estoit heritier de ses merites; & par ce qu'il estoit accomply des plus rares & excellentes vertus, qui se rendent sur tout necessaires dans vn estat confus & embrouillé, il fur enuoyé Ambafsadeur en Suisse par le feu Roy, où il rendit tant de preuues de sa prudend ce & fidelité, que sa Majesté l'y renuoya pour renouueler l'alliance auec les Ligues; Ambassade qui a souuent feruy de presage aux charges plus es minentes de ce Royaume, comme en effect, peu auparauant sa mort le feu Roy declara qu'il estoit des plus

dignes & capables pour estre Chancelier de France. Mais du costé maternel nostre defunct eut pour ayeul feu Me Pierre Faye sieur d'Espesses en Lyonnois pere de Messire Barthelemy Faye Conseiller du Roy & President aux Enquestes du Parlement de ceste ville, qui assembla vne grande science auec vne souueraine integrité, & qui laissa son image en ses enfans, desquels feu Messire Iaques Faye fut President en ceste Cour de Parlement de Paris, l'honorable reputation duquel est toute fresche en vostre memoire. Plus ie remonte, plus l'eau se trouue belle vers la source: car de ce mesme costé il a eu pour bisayeul ce grand Conseiller d'Estat Chancelier & Potestat du Roy Loys douziesme au Duché de Milan Messire Laurens Patarin, le fils duquel a longuement aussi & tres-dignement

seruy la France soubs les Roys François premier, & Henry secod, en l'estat de premier President au Parlement de Bourgongne. Tout cela a feruy de bon-heur à ce grand Chancelier d'estre nay en la famille de si grandes & illustres personnes: mais Dieu a beaucoup fauorisé sa vie d'auoir voulu adiouster à l'honneur de sa naissance le contentement d'vn mariage honorable & fortuné, par l'alliace d'vne maison pleine, de tout temps, de merite & d'honneur, & de laquelle ie dirois d'auantage, si la louange des viuans n'estoit suspecte de flatterie: auquel mariage on a veu trois choses signalées, vne grande & longue paix, vne douce & perperuelle conformité d'esprits, auec le nombre de quinze enfans, dont les vns possesseurs des charges grades & honorables, & les autres mariées das les plus

9

plus grandes familles du Royaume suscitent & representent heureuse-ment la gloire de leurs parens: mais la rencontre de ces trois est vn ouurage de la grace & benediction du ciel. Voyez-vous coment ces choses nous conduisent par la main à recognoi-stre le dessein de Dieu, qui auoit choisi cét homme pour instrument de ces merueilles, bien-heurant sa naissance & sa condition par des aduantages signalez?

Q v E dirons-nous maintenant des choses qui sont purement siennes, & enfans legitimes de son esprit ? Et que ne dirons-nous de l'amas de tant de celebres actions, qui sont autant de brillans mis en œuuré, pour faire & enrichir l'enseigne de sa vie, ou plustost une forest verdoyante de palmes & de sauriers, qui represente sa vertu inuincible & couronne trio-

phante du monde, du temps & du malheur? Ie ne diray rien icy de son basaage, qui fit voir, come vn printemps agreable, les premieres fleurs qui seruiret de presage & de promesse de ce grad fruit, que depuis la France a recueilly pour sa gloire & son repos. le ne diray point comment il fur noblement & sainctemet esleué en l'amour des lettres, & de la pieté, auec la faueur & familiere conuersation des feu Sieur de Moruilliers, & de l'Hospital Chancelier de France, les deux plus parfaits & accomplis personnages de leur siecle. Ie viens à son aage de vingtdeux ans, auquel il fut Conseiller du Roy en la Cour de Parlement de Chambery, iusques à la reddition de ce pais à la Serenissime Maison de Sauoye, par le mariage, qui cobla de ioye la France, & de bon-heur les voisins. Ainsi

sa vertu antidatant ses années en ceste sacrée & souveraine compagnie merita de bonne heure de tenir entre ses mains la vie, & la fortune des hommes: Car dit grauement sainct Ambroise, Huiusmodi viro salutem nostram & astimationem committimus, qui sit iustus, & prudens. Depuis il passa par les affaires & les charges, qui seruirent d'essay à sa prudence, & d'exercice à sa force, pour faire veoir au iour les graces & les dons qu'il auoit en son ame, & pour exprimer les vertus secrettes que Dieu auoit cachées au centre de son cœur: comme nous disons, que la chaleur esuente les pommes de senteur, & que le feu euoque les esprits que la nature auoit caché fous le froid & la glace des metaux.

CAR au temps que les premiers troubles commencerent à s'esseuer

enFrace(ô douleur!pour salir la blan, cheur de ses lis au sag de ses enfans) il fut enuoyéPresidet & Lieutenantgeneral en la ville de Lyon, non seulement pour y administrer la Iustice, qu'il a tousiours religieusement honorée & coseruée, comme celle qui sied à costé du grad Dieu: Iustitia sceleru inimica Deo assidet, dit Philon Iuif, mais aussi pour seruir de coseil dans vne ville frontiere, & de rempart au Royaume. Mais vne ville estoit trop peu pour sa coduite, il luy falloit vn monde, la France cognoissoit son merite, il le falloit faire cognoistre aux estrangers. Il fut donc enuoyé par le Roy Charles neufiesme son Ambassadeur aux Grisons, & de là aux Suisses, où il practiqua tellement l'espace de septans les cœurs de cette nation devotieuse à la grandeur de son esprit, qu'illes auoit clouez à

la couronne de France, sans que les voisins en ce temps-là, se soient preualus de leur amitié, & auec telle adresse & courage, qu'il conserua puissamment en ce lieu inuiolable l'authorité de nos Roys. Certes c'est vne prudence rassinée que d'apriuoiser les hommes par le discours, vaincre les cœurs des estrangers, & par des raisons ineuitables les encliner doucement à nos volontez.

A v retour de son ambassade il sut receu Conseiller au Conseil du Roy, pour contribuer son industrie à supporter le fardeau d'affaires, qui se descharget sur les bras du Souuerain. En quoy ie ne sçay s'il fallut alors se resiouir d'auantage auec luy, pour l'accroissement de sa gloire, ou auec la France, pour l'acquisition d'vn sidelle Conseiller. Car c'est vn tresor incomparable, qu'vne teste bien fai-

cte & vn sage cerueau, qui inspire vn mouuement reglé aux spheres de l'e stat, & nourrit les accords d'vne parfaicte harmonie. Et combien que les profits que nous en receuons, ne se preschent point si haut que ceux qui nous viennet des batailles & des victoires; neantmoins ils sont ordinairement plus grands & plus asseurez; & nous pouvons dire qu'ils ressemblent aux seuues, qui ne meinét pas tant de bruit que les torrés, mais ils sont plus profonds.

L'A suitte de sa vie l'a tesmoigné, en laquelle son conseil, par manière de dire, a gagné des batailles & saict tomber les armes des mains à vne nation. Quandie dy cecy, ie regrette de rafreschir nos playes & rappeller la souuenance de nos douleurs. Mais pourquoy non la memoire de la tourmente qui recommande l'art

& l'industrie du pilote ? Souuenezvous qu'elle estoit la face de la France en l'année soixante & douze, lors que la rebellion & l'horreur des armes la rendoit le theatre des plus sanglantes tragedies. En ce temps les Suisses, esmeus de ce qui s'estoit passé icy à l'endroit de ceux de la religion pretenduë reformée, auoiét leué les armes pour espouser leur querelle, & ceste nuée pleine de gresse & de tempeste aprestoit des menaces pour accroistre nos malheurs. Ce grand Chancelier, le nom duquel respirera tousiours la majesté parmy ces peuples, leur fut enuoyé pour les appaiser, & leur faire coprendre tant la douleur du Roy Charles neufiesme de brusser sa moisson, comme les iustesmotifsqu'il auoit du chastimét de ses sujets : Ce qu'il sit si heureusement, que l'huile de ses discours sit

cesser la tourmente que la contraste des vents & le pretexte de religion auoient suscité, de sorte qu'vne nation belliqueuse sut vaincue par vn seul, & rendit les armes à son conseil.

Mais quelleplus heureuse bataille a iamais esté gagnée pour ce Royaume qu'en l'année soixante & treize, en laquelle les fleurs de Lis, qui commençoient à f'espanir au rude climat de Pologne, furent replatées en leur parterre? Diray-ie ce que ie conçoy dans mon cœur, ou ce qui vous sera agreable? Ie diray la verité, que les sages aduis de nostre defunct, qui se trouua pour lors Ambassadeuren ces quartiers, donerent la France au Roy & le Roy à la France, facilitat par son adresse le retour du seu Roy, comme il l'auoit chaudementsollicité par ses confeils d'entrer en l'heritage de ses deuanciers

deuanciers; tellemét que ce seul acte qui consola la France en sa viduité pour la rédre incôtinent espouse du premier Prince de la terre, qui nous sauua des dangers & des seditios qui suiuét ordinairemét les interregnes & les sceptres vacquans; merite que le nom de ce sage Nestor soit escrit sur la couronne, & que sa memoire dure tant que la France & le nom des François sera honorable parmy les nations.

respande de ioye en la souuenance des biens dont nous recueillons encor les fruits, mais il est aussi raisonnable de cossiderer la main & l'esprit de celuy qui les a faits. Et partant rappellez, ie vous prie, vos pensées aucc moy pour les arrester sixement sur vne chose digne de merueille. Les Romains, dit Plutarque, pensoient

qu'entre les Dieux il y en eut quelqu'vn, duquel l'office propre fust de procurer ça bas la recognoissance de la vertu, & de s'opposer au mauuais demon qui faict naistre auec elle ie ne sçay quoy pour la combattre & l'oppresser, rapportant à cela ceste malice ordinaire que nous voyons entre les hommes pour la persecuter : de sorte qu'on peut dire que come le Soleil ne luit iamais qu'il ne produise des ombres; de mesme la vertu n'esclaire point si tost, qu'elle ne s'oppose l'enuie & suscite ses ennemis. Mais ce Dieu parmy les Payés, c'est l'esprit & la voloté de nos Roys parmy nous, qui la defendet de l'outrage & l'authorisent de leur faueur, auec vn soing particulier de recognoistre les seruices de leurs sujets. Le Roy defunct cosiderant les merites & les seruices signalés que ce grad

personnage auoit renduz à la Couronne, ne fut point si tost sacré qu'il le fit Superintendant de ses finances. Ceste charge est des plus grandes du Royaume & de plus d'importance, & qui veut rencontrer sur tout deux qualitez en celuy qui la possede, vne grande probité & vne grande force d'esprit qui se trouve en ses Genies que Dieu suscite pour le bien de la France, pour l'opposer puissammér aux desreglemens, surprendre la finesse, & rompre les importunitez. Messieurs ie veux mal à ma langue de ne pouvoir dire parfaictemet sur cé sujet, ce que ie conçoy dans mon ame. O que le miracle est grand d'auoir les mains pures dans la corruption d'vn siecle, de conseruer l'integrité au milieu des dangers, & dans la commodité des biens, qui nous rendent si impuissamment alterez,

vouloit d'autant moins, que nous pouvons d'auatage, bref ressembler au fleuue Alphée qui trauerse la mer sans se saler, pour rendre ses eaux claires & douces à la fontaine d'Arethuse; Ce miracle s'est rencontré en nos iours. Car qui du temps passé a manié les Finaces auec plus de candeur & defoy que nostre Chancelier, lequel durant les profusions & les desordressest tenu ferme sur vn pendat si glacé, & n'a point voulu agrandir la fortune de ses biens par le thresor sacré, comme nous le sçauons & le. voyons, & loué soit Dieu qu'vne verité si belle reçoit son tesmoignage de tous costez . Mais dire cecy, c'est comprendre en peu de mots la perfection à laquelle l'homme peut arriuer pour mespriser la terre, & trai-Ctant auec elle viure dans les cieux, c'est proprement ressembler à cét esprit, duquel ie lis ces beaux mots dans Seneque; Quemadmodum radij solis contingunt quidem terram, sed ibi sunt vnde mittuntur, sic animus magnus o sacer or in hoc demissus ve propius diuina noscemus conuersatur quidem nobiscum, sed haret origini sua, illinc pender, illuc spectat ac nititur. A ce proposil me souvient d'vne vieille fable des Poëtes mais pleine de bon sens, que les Dieux ialoux de la gradeur de Iupiter le vouloiet tirer en bas par vne chaine d'or qui pendoit du ciel en terre & chacun d'eux cotribuant son effort, leur mauuaise voloté demeura sans effect: ô belle ame! les richesses qui donnent la loy au monde ne vousont point esbralé, & cette chaine d'or ne vousa iamaispeu deplacer pour vous faire tomber du Ciel clair & serain de vostre innocence. Aussi sçauoit-elle ces belles sentences de

Pesprit de Dieu: Substantia festinata minuetur, qua autem paulatim colligitur, manu multiplicabitur, Prouer. 13. comme aussi, Hareditas, ad quam festinatur in principio, in nouissimo benedictione carebit. Prouerb. 20.

D'ICY i'apprens à ne m'estonner plussile reste de sa vie n'est qu'vne image de grandeurs, car l'ame qui a receu cette trempe ne promet que des miracles. Iene veux point donc admirer le sage traicté d'Espernay auec le Duc de Casimir, pour arrester ce torrent qui desbordoit sur la France, renuoyat les Reistres en leur pais pour quelque somme d'argent, employant ainsi les finances pour vous guarentir du rauage de vos ennemis, ny la patience auec laquelle il supporta la prison sous le mesme Duc de Casimir pour faute du payement accordé, hostage precieux pour le re-

pos de la France, ny ce iugement & ce coseil qu'il sit paroistre en la conference de Flex & de Nerac, faisant plusieurs voyages vers sa majesté lors Roy de Nauarre, pour le seruice du feu Roy, ny tous les autres qu'il fit en Frace vers seu monsseur pour le conseiller sagement en plusieurs choses d'importance, ny l'ambassade extraordinaire en Anglettere pour empescherceste barbareexecution de la Royne d'Escosse, en laquelle il sit reluire les feuz de son esprit & de son eloquence, qui eussent sans doute destourné le coup, si la Royne d'Angleterre n'eust esté alterée du sag de cestePrincesse dolente, qui rendit l'ame sous l'effort d'vne perfide cruauté, ny tout ce en quoy depuis il fit paroistre la sagesse & la force de son esprit: car cobien que toutes ces choses soient grandes, neantmoins la va-

ste capacité du grand de Believre releuée par dessus l'ordinaire les rendoit de foibles exercices de sa vertu; & laquelle durant ce temps receut encor son tesmoignage par l'ossice de President au Parlement de ceste ville, qu'il garda deux ans, vous donnant par ce moyen la commodité de cognoistre de pluspres les belles parties de son naturel.

I' A y dit beaucoup en blot & en courant, & comme costoyant la terre en ceste nauigation: car aussi qui voudroit s'abandoner à ses abysmes? Mais ie ne puis passer outre sans vous aduertir de quelque chose qui se presente à ce propos. Pour bien voir les actions de feu Messire Pompone de Believre, & les peser au sicle du Sanctuaire, il faut remarquer, entre autres, deux grandes qualitez qui leur apportent beaucoup

beaucoup de grace & d'enrichissemet; à sçauoir, vn grad courage pour les entreprédre, vne vigilace incroyable pour les acheuer: Car le premier surmotant les difficultez des affaires en leur naissance, & l'autre les accompagnat des yeux ouuerts, on les conduit heureusemet à leur fin. Quant au premier, nous sçauons que la fortune d'vn chacun, pour mediocre qu'elle soit, donne de la peine à la conduire: Combien plus ces grades coditions, qui ne semblent auoir de grandeur que pour embrasser d'auantage de difficultez ? Et si la plus penible couche de la nature (disoit vn Ancien) est celle de nos desirs, où elle se blesse si souuent, que serace de ces hautes pensées necessaires aux charges eminentes & releuées? Combien faudra-il apporter de courage pour leur naissance? combié de

force pour leur execution? En quoy cecy est cosiderable, que les comandemens des Roys surprenant quelquefois nostre defunct en ses maladies, il les receuoit neantmoins auec allegresse, & nonobstát son infirmité se mettoit en chemin pour les accomplir, foulant la consideration de sa santé par mespris, & faisant seruir son corps malade aux saines & sainctes intétions qu'il auoit d'obeir à la volonté de ses maistres. De ceste sorte tout est faisable, car les Payens mesme tenoient, Deos fortioribus adesse, dit Tacite, & conseilloient de n'attendre iamais nihil agenti, in sinum de cœlo deuolaturam esse victoriam, dit Tite-Liue. La seconde qualité c'est la vigilance, la quelle auec le courage & le trauail conduit à chef nos entreprises; representée anciennement par vn œil qui estoit dans la

main, d'où nous est venu le Prouerbe, Manus oculata, à fin que l'œil esclairast ce que la main metroit en œuure, & que nous eussios à coprendrelesoin & la vigilance, que nous deuons apporter en nos affaires. Car aussi la manne, qui tomboit aux deserts, deuoit estre cueillie auant le Soleil leué, & la prouidéce de Dieu fut represetée à Hieremie par vne vergé qui veilloit; come le Royaume des cieux & la couronne d'immortalité n'est que pour les veillans. A ce propos on ne peut assez louer le conseil de l'Empereur Galba, lequel fit grauer autrement la pierre de sa bague, de laquelle il cachettoit ses lettres, que les premiers Empereurs: Car l'histoire nous apprend qu'Auguste seelloit premierement auec l'image de Sphinx, monstre tant cogneu en l'antiquité, depuis il se servit de cel-

E ij

le d'Alexandre, & en fin employa la siéne pour cét esfect; & nous ne lisos pas que les autres ayent changé ceste façon de faire, iusques à l'Empereur que l'ay dit, lequel fit grauer en sa bague l'image d'vn chien, qui touchat des pieds de derriere la prouë d'vn vaisseau, auoit le reste du corps en l'air. C'estoit pour s'aduertir soymesme, & instruire tous ceux qui se messent des affaires des Princes, quelle vigilance il faut apporter en leurs charges, pour ne sendormir, no plus que feroit yn chien de sa nature vigilant, & en ceste perilleuse posture de tomber dans la mer. Mais qui ne sçait la vigilance incroyable de nostre Chancelier, puis qu'il a signalé toutes les années de savie, depuis qu'il se mesla des affaires publiques, de quelque action celebre & digne de memoire? tellemet que la suitte des

difficultés, qui naissent à miliers dans vnsiecle embroüillé, luy tenoiét toujours les yeux ouuerts, asin qu'il renonçast à toute sorte de repos, pour donner le repos à sa patrie: & nous pouuons dire que son sommeil resembloit à celuy d'Achile, lors qu'il reposoit sur son bouclier, das lequel tout ce monde estoit graué; puis que son dormir n'estoit autre que profondes pensées sur l'estat du monde & le bien de la France.

TovT ce que i'ay dit, regarde sa vie ciuile & comme engagée dans le parc des contentions: Trouuez bon, ie vous prie, que nous descendions pour le voir dans la vie domestique & priuée, afin que nous rendions le comble de loüanges à celuy qui sçait viure, & comme grand magistrat, & comme bon citoyen. Car c'est vn exemplerare d'exceller en toute sor-

re de fortune, comme d'emporter le prix en toutes sortes de sciences; & la volonté n'est pas moins admirable, qui releue la vertu en tous aages & en toutes conditions, que l'entendement qui possede la cognoissance de toutes choses. Et quant à ce dernier, nous cofessons que nostre esprit est limité à certaines sciences, ausquelles il semble auoir des rapports secrets, demeurant court & incapable pour le regard des autres : Comædia Pyladem habet eximie clarum, Batillum tragædia, muta vices neutrum noueris: soit que cela nous arriue du temperament de nos corps, l'humeur abondante imprimant sa vertu aux esprits animaux, qui la communiquent depuis aux images corporelles des choses, & que par ce moyen l'ame, qui ne peut agir que par leur entremise, se trouue plus habile pour certaines

choses, ausquelles l'humeur a plus d'analogie & de coformité; soit que nous voulions icy recognoistre la iustice de Dieu, qui venge nos fautes & nos pechez par les tenebres & l'aueuglement; ou en fin que l'esprit de l'homme soit borné (comme il n'est pas infiny) pour esclairer dans vn cercle & dans vn espace limité. Mais tout cecy se trouve plus veritable pour le regard de la volonté, laquelle, outre cela, souffre les orages des passions, qui la poussent diuersemet selon la difference des fortunes. Et de faict, nous auos veu plusieurs, qui facquerans de l'hôneur dans vne vie actiue & empressée, se sont depuis fondus & r'amollis dans le repos, come Plutarque le tesmoigne d'Alcibiades, qui faisant le graue & le serieux parmy les Spartiates, se monstra mol & esseminé entre les Ionies.

Or loué soit Dieu, que l'occasion se presenta apres tant d'Ambassades, de tesmoigner le contraire: & ne trouuez point estrange que ie suiue l'ordre de sa vie; car chaque année de suitte m'a tellement attaché par des essects nouueaux, qu'on ne m'a peu diuertir de leur consideration.

L Es ancies voulans dire que la vie, pour heureuse qu'elle fust, estoit sujette aux trauerses, nous representoient les trois Graces, de telle sorte que deux nous regardans, la troissesme tournoit le dos; & les Carthaginois considerans le flux & le reflux de nos fortunes disoient que Gamma quelquesfois persecutoit Beta, & qu'à son tour Beta persecutoit Gamma; & tout cela pour enseigner qu'il n'y a point de condition si haute & si asseurée, qui ne soit sujette à l'eschec, ny bonasse qui ne puisse estre luyuie

suyuie de la tourmente, ny medaille qui ne porte son reuers. le pourrois rapporter cecy au temps que Monsieur le Chancelier se retira de la Cour en sa maison, comme la plus part des officiers, n'estoit que ceste disgrace en apparence regardoit plustost le Royaume que leurs testes, & que ceste eclypse ressembloit à celle du Soleil, qui pour perdre la veuë de la terre, ne perd point de lumiere. Aussi les grands personnages sont comme le mont Olympe; les vents peuuent souffler à son pied, mais sa teste est par dessus les tempestes & les meteores; d'autat qu'vne ame releuée void l'Empire de la fortune au dessous d'elle, ses ondes & sa marée ne peuuét montersi haut, & tous les traits decochez de son indignatione peuuet atteindre à sa vertu pour l'entamer: que la rouë tourne, elle demeure sur

l'aissieu; que le monde roule, son pole ne couche iamais; bref si les orages grondét & fremissent à l'entour, alors elle ressemble à vn roc, qui sans selmouuoir, void rompre à ses pieds les vagues de la mer. Telle estoit la constance & la tranquillité d'esprit de ce grand Chancelier dans sa maison: constance, qui se respandantau dehors durant la vie ciuile, sembloit se fortifier & s'agradir, la recueillant & rappellant au centre de son ame. C'est pourquoy la consideration de sa vie durant ce temps est si douce & si fructueuse, & qui nous peut infiniment instruire & consoler. Car les actions d'un homme consideré chez soy, representet sur tout l'assiette & le naturel de son esprit; celles que nous faisons au dehors, ne sont pas toufiours nostres, les vnes nous sont dérobées par des respects humains, les autres arrachées par des considerations importunes, les autres viennent de l'artifice, non point de la nature, & pour le dire en vn mot, ce n'est point tousiours nous qui paroissons deuant les hommes. Orilimporte beaucoup de sçauoir qui nous sommes, pour ne nous tromper au jugement de nos actios, & pour cognoistre parfaitemet celles qui sont nostres, & les separer des estrangeres. Car comme les metaux ont des marcassites qui leur ressemblent; ainsi parmy les actions belles & glorieuses on en void d'autres, ou qui coulet par la nature, ou qu'o exprime par artifice, qui contrefont les traits & l'image de la vertu. Voyos maintenat celles de ce grand Chancelier, qui estoient veritablement siennes, cobien elles esclattoient en lumiere chez foy, & dans sa maison;

F ij

car par ce moyen l'on rendra raison de son loisir, & de ses exercices continuels. Demandez-vous à quoy l'occupoit nostre defunct durant ce temps? A toutes choses grandes: & dignes de luy: S'il regardoit la terre, il plaignoit nos miseres; s'il regardoit les cieux, il ressembloit à Iuppiter, qui selon les ancies, s'abstenant des choses du mode demeuroit réply & rauy de ses propres pensées. Il practiquoit la sainte Philosophie, & sçauant aux vanitez du monde regardoit les choses presentes comme mortel, & celles à venir comme immortel.

ORIGENE expliquant mysterieusemet ce que l'Histoire du monde rapporte en la Genese, touchant le premier homme & sa femme, qui fut saite de luy durant son sommeil, veut monstrer que celase peut en-

tendre dignement de l'ame & du corps: Nostre ame, dit-il, est Adam, lequel dormant produit de soy Eue, c'est à dire le corps, ou la vie animale & sensuelle. Car l'ame, qui deuroit veiller incessamment en la meditation des choses eternelles, n'a point si tost fermé les yeux pour reposer au sein des choses basses & terrestres, qu'elle produist ceste Eue, qui la trope & la seduit, c'est à dire, la vie du sang & de la chair, & l'amour des choses caduques & mortelles. Anima (enim) tuncanimal ex se propagat, quando ex pristina apud Deum vigilia, ad naturalia labens, diuinorum oblita, iam dormit & somniat. Mais c'et inconuenient n'arriue point aux ames de ceux qui se souviennent de leur naissance & de leur dignité: Il n'y a point pour elles de nuict & de sommeil, qui les fasse descendre & repo-

ser aux creatures; mais des pensées chastes, & sainctes esleuatios, qui les font veiller incessamment en la consideration des choses diuines; come l'on remarquoit en ce grand Chancelier, qui sçauoit la sentence dorée de Phauorinus, Nihil in terra magnum prater hominem, nihil in homine magnu prater mentem & animum. Les ancies considerans telles ames en cét estat releué, les appelloient des Demons, ou qu'elles estoient au moins assistées d'eux, & des plus grands, pour se soustenir sur la terre, & faire des actions par dessus l'ordinaire des aueres; & qu'alors: Totam vitam suam suspendebant ex Damone. Mais pour parler en Chrestien, il est asseuré, que Dieu ordonne des Anges superieurs pour assister à ceux, qu'il a choisi das son coseil pour presider au monde, & faire esclatter ça bas l'image de

sa grandeur: Autrement nous serios en peine de sçauoir d'où nostre defunct tiroit ceste traquillité d'esprit, ceste force inuincible, & ces genereuses resolutions en toute sorte de fortune.

MAIs aussi il se faut souuenir en sa faueur, de ceste belle difference qu'il y a entre la fortune des sages, & celle des mondains: Celle-cy court apres l'honeur pour l'acquerir, mais l'honneur va suivant la fortune des sages pour la rendre honorable, voire mesme dans le mespris. Car si la peine & la coulpe sont de mesme datte & de mesme aage, il est raisonnable aussi que la gloire & l'honeur soient inseparablement vnis à la vertu, laquelle par ce moyen porte auec soy sa recompense, qui ne peut estre empeschée par l'enuie, par les trauerses, par la calomnie, & par tout ce,

dont l'iniustice d'vn siecle peut menacerl'innocece du vertueux. C'est à mon aduis le sens de Caton, lors qu'il respondit à celuy qui demandoit, pourquoy on neluy dressoit point de statuës, attendu son merite, & les grands seruices qu'il auoit rédus à la Republique de Rome: Ie l'aime mieux ainsi; car il est plus honorable à moy, quand on s'informe pourquoy ie n'ay point de statuës, qu'aux autres, en demandant, pourquoy on leur en a dressé: voulant dire, que la recompense des belles actions ne manque iamais, puis que la plus noble que l'on sçauroit desirer, c'est de les auoir faictes. D'où nous tirons vne grande consolation pour nous eschauffer à bien viure, quand nous sçauons que la vertu n'a point de couronne plus belle, que celle qui se fait de ses branches,

ny guirlande plus precieuse, que cel-

le qu'on amasse de ses fleurs.

CECY estoit deuantles yeux de ce grand personnage, qui le pouvoit rendre heureux & cotent en sa maison, mesme quand tout le monde eust coniuré contre luy: Mais il n'en fut pas ainsi: car il n'y a sorte de deferences qui ne luy fussent renduës en cét Estat, auquel il receut vn illustre tesmoignage de ses merites, qu'au temps que l'on violoit les loix diuines & humaines, & que la licence & l'impunité regnoit en ce Royaume, il fut egalement honoré de toutes sortes de personnes. Sa maison estoit le bureau des conseils, & l'esperance de la paix, pour vnir les vo-Iontez des Princes & du peuple: c'est pourquoy elle fut reuerée de l'vn & l'autre party, & demeura, comme le temple d'Apollon, sans estre

violée des amis ou des ennemis.

Mais austi, qui me pourroit dignement representer, comme auec les exercices que i'ay dit, il messoit l'amour qu'il portoit à la France & le le soin du bien public? Mon Dieu! que telles ames resséblent aux cieux, qui pour essoignés qu'ils soient de la terre, ne cessent de rouler à l'entour pour luy bien faire! Tesmoins en estoient les lettres & les aduis qu'il enuoyoit de toutes parts, pour faire quelque ouuerture à la paix; tesmoins les discours qu'il tenoit auec les Grands qui le visitoient pour pacifier les choses, & rappeller le calme & la traquillité; tesmoins les regrets & les souspirs, qu'il iettoit amerement sur l'estat & la face du siecle; tesmoins les prieres ardentes, qu'il faisoit à Dieu d'esteindre le seu, qui brusoit entre ses mains pour estre

estacé sur nos testes fautiues. O que la charité est puissante, pour nous obliger aux trauaux, & pour esmou-uoir nos cœurs sur les miseres publiques!

DIEV benissant les desirs de ses amis qui regardent sagloire, voulut exaucer les vœuz de nostre defunct, inspirat au cœur de sa Majesté d'employer Messire Pompone de BE-LIEVRE, à la conference de Suresne; Conference que tu ne peux oublier, ô France, si tu ne veux oublier en mesme temps les premieres nouuelles de ton repos! Car ce fut l'heureuse iournée, qui dissipa nos tenebres par les rayos de ce grand Soleil HENRY IIII. lequel se leuat sur la Prace & les cœurs des François, amena par son retour la paix, l'abondance, la pieté, & changea la nuict funeste de nos mal-heurs en la douce lu-

miere, qui resiouit nos cœurs, & sert d'estonnemet aux estrangers. En ce temps donc, & au lieu que i'ay dit, plusieurs grands personnages estant assemblez, pour penser au mal qui se rendoit incurable; ce grand Chancelier s'y trouua, qui ouurant les tresors de son esprit (nonobstat sa maladie corporelle) facilita merueilleusement la trefue & la paix par son conseil; c'est à dire, il rendit les villes aux Citoyens, la confiance aux François, les biens aux familles, le commerce au Royaume, les Prestres aux autels, les autels aux sacrifices, les sacrifices à Dieu; & nous sauua de ce perilleux naufrage de toutes choses, que la rage & la malice nous auoit appresté. Or maintenant si les maux, que nous eschappons par la prudece de quelqu'vn, font vne parrie du benefice, & que leur grandeur

serue de mesure au bien-fait; quelles actions de graces pourrons-nous iamais rendre pour les maux effroyables, d'où nous fommes guarantis? La guerre auoit desolé vos maisons, les divisions partagé vos familles; & les armes Françoises (qui estoient autrefois la terreur & le fleau des peuples infideles) ne rougissoient plus que du sang des François; vos vierges estoient polluës, vos autels desmolis, vos Sanctuaires prophanez; quelle recognoissance donc deuosnous à ceux qui ont descharmé nos esprits, chasse nos tenebres, & serené l'Estar? Et principalemét à luy qui a tat trauaillé pour esteindre vos feuz & vos brasiers, qui n'a iamais depuis de cœur & de parolle, que souhaitté la paix? que conseillé la paix? que defendu la paix? Que si l'on donnois autrefois vne couronne à celuy, qui

auoit sauué son citoyé, ou qui auoit deliuré quelque ville du siege des ennemis, combien sa prudéce a sauué les vns, & defendu les autres! Mais si pour autât de villes & de citoyens sauuez, nous multiplions les courónes, voyez-vous où le discours me porte pour vous rauir, & combien de couronnes il porte sur sa teste, maintenant toutes encloses dans la couronne d'immortalité?

IE pensois finir par ce chef-d'œuure, quand des choses nouvelles me viennét en la pensée, lesquelles sont sigrades & augustes, que ne les pouuant rapporter selon leur merite, ie ne les puis aussi oublier sans sacrilege. Lors que l'arreste mes yeux sur les merueilles que Dieu a desployez sur cét Estat, & comme par vn million de miracles il a frayé le chemin à sa desiurance, pour faire regner sur

nos testes, & au centre de nos cœurs le plus grand Monarque de la terre; ie dy, Mon Dieu! que vos secrets sót impenetrables, qui par des voyes incogneues à la sagesse des hommes, appailez tout à coup la tourmente, & nous ramenez le serain & la tranquillité! Mais outre cela, vne chose nous manquoit pour nostre contentement; car ce bien qui nous estoit arriué si grand contre les esperances, si promptement contre les apparences, nous laissoit la crainte de sa durée & de fon chagement; & ne pouuios viure sans apprehension, quoy que la paix fust en nos maisons, cependant que la guerre estoit au dehors, & que les armées ennemies faisoient l'enceinte de nos murailles. Dieu donc voulant verser sur ceRoyaume les plus douces faueurs, & affermir la paix (ô benefice incomparable!) au

temps mesme que la France faisoit la guerre à Dieu, auec les armes que son impieté luy mettoit entre les mains, la resolut en son conseil entre la Frãce & l'Espagne. Mais les conseils du ciel sont des commademens en terre, lesquels, sans rie forcer, tiret doucement de nous leur accomplissemens. C'est pourquoy le S. Siege, qui verse tousiours des larmes, quad les Chrestiens versent leur sang, despescha ceste grande & honorable Legatio, du tres-illustre Cardinal de Florence, de la Maison tant amie & tant fauorable à cét Estat, & lequel depuis esleu Pape par le decez de Clement huictiesme, nous faisoit esperer de recueillir les fruicts de son amour en ceste charge, si Dieu tost apres ne l'eust retiré dans le ciel, pour nous les faire sentir par ses prieres. D'autre costé sa Majesté qui se laisse conduire

conduire par la main à la prouidence de Dieu, qui veille sur sa teste & sa courone, despescha de sa part nostre grand Chancelier en la compagnie de celuy, que la France reuere comme vn grand pilier de l'Estat, & duquel la vertu viuante & regnante, me ferme la bouche en ceste chaire. Auquel traicté les choses furent si sagement pelées, & heureusement coduites, que nous auons par la grace de Dieu vn regne de Salomon, durant lequel le peuple pouvoit viure en asseurace sous sa treille & sous son figuier. Ainsi ce Royaume repurgé au dedans des humeurs peccantes, qui le faisoient pancher à la desbauche, & l'olivier de la paix arboré sur ses frontieres, nous rendoit la merueille & l'estonnement des estrangers. s ich was det he mote k

Des lors on pensa aux moyens

de redre ceste paix perdurable, & de cimenter estroitemer les cœurs & les volontez des François; non auec l'artifice de Romulus, qui fit apporter à chaque peuple qui habitoit dedas Rome, de la terre de son pais, pour remplir & combler vne profondeur beante, qui estoit en l'vne des places de la ville; afin que Rome fust la terre commune des nations, pour les obliger sous mesmes loix à la mesme societé; mais par des Edits sacrez de pacification, & des remedes propres à nostre mal. Car il y a certains Demos, qu'on ne peut chasser qu'auecla harpe & la musique; & certaines maladies, qui ne se guerissent, qu'auec le miel & la douceur, & no auecles choses aigres & ameres: come les curieux en la recherche de la nature, remarquent qu'on void aupres du fleuue Harpasus vne colline ou

vn rocher, lequel estant touché legerement des doigts se tourne rond comme vne boule; mais il demeure immobile, si on veut apporter de plus grands efforts, & vne plus grande contention de bras. Les hommes nez auec la liberté, & principalement les François, ressemblent à ce rocher, la douceur les conduit & les gouverne, la violence & l'effort les rend opiniastres & tenans. C'est là, où la sagesse reluist en ceux qui leur commandent, comme elle paroissoit en ce grand Chancelier autheur de tat de maximes belles pour tous les siecles, mais vules en nostre temps. Et l'apprends de sa conduitte l'intelligence de ce qu'Orphée chantoit anciennemet par ses hymnes en l'honneur de Pallas, l'appellant tantost masse, tantost semelle: Car qu'est-ce autre chose cela, finon

nous dire que la prudence tantost se monstre seuere, tantost douce, que maintenant elle flechist, maintenant elle roidist, changeant de nature & de posture selon l'occurence & la necessité; comme les mariniers, qui mesnagent bien souuent les vents contraires, pour surgir au mesme port. Reprenant d'icy tout ce que i'ay dit, soit au maniment des sinances, soit aux ambassades, soit en sa maison, soit aux traictez & conferences, vous voyez que sa vie est vn abregé d'innocence, de force, de vigilance, & de prudence. Car aussi la prudence sans vigilance, c'est flegme; l'innocence sans force, c'est foiblesse; la force sans prudence, c'est temerité; la prudence sans innocence, c'est malice; la vigilance sans prudence, c'est folie; la prudence sans force, n'est que crainte; la vigilance

sans innocece n'est que finesse: mais la prudence, la vigilance, la force & l'innocence, c'est la couronne precieuse de l'homme vertueux.

MESSIEVRS, il ya d'auantage, car toutes ces parties, pour belles qu'elles soient, demeurent inutiles sans le bon-heur, & sans ceste benediction qui accompagne nos desseins, pour les faire reussir heureusement. Et combien que ce bon-heur ordinairement vienne de la prudence & prenoyance, qui va au deuant des difficultez; neantmoins nous sommes souuent contraints, de le rapporter à vn secret particulier de la prouidence de Dieu, qui benit les affaires & leur conduite entre nos mains. Car nous cognoissons certaines personnes sages & bien-aduisez, qui sont toutes fois mal-heureuses en leur entreprises, comme si quelque

Demon malin auoit presidé à leur naissance, & cotinuast de les trauerser le reste de leur vie, semblables à Cassandre, de la quelle les propheties veritables, furent tousiours suivies de l'incredulité. Le contraire s'est monstré aux actions de nostre defunct, qui a eu ce contentement, que voulant toussours ce qu'il deuoit, il a tousiours faict ce qu'il vouloit, le bon-heur reluisant par tout; soit que sa prudence le fit naistre, soit que Dieu l'ayant suscité pour le bié de la France l'en eust fauorisé dés le berceau. Vous l'auez ouy iusques icy aux choses plus importantes, qui se soient presentées dans un siecle; mais il le faut sur tout remarquer au traicté de Veruins, durant lequel, & ce pendant qu'il concluoit la paix auec les deputez, il fit les premieres ouuertures au tres-illustre Cardinal

de Florence du mariage de sa Majesté: mariage, qui n'a point si tost
doné des enfans à la France, qu'il luy
a donné des arres asseurez de son salut. Or ayant conduit ce dessein si
dissicile pour lors, si necessaire au
Royaume, si important à l'Eglise, au
point que nous le voyons, & l'admirons, n'est-ce pas dire, que l'ame qui
fait tant de miracles, a contracté auec
le ciel pour faire reüssir toutes ses volontez?

TANT de choses grandes & difficiles ayant estés siagemet pensées, meurement digerées, heureusement practiquées, on ne pouvoit attendre que le comble d'honneurs, qui sont deuz au merite, & suivet la vertu. Et partant sa Majesté en toutes choses Royale, mais admirable en l'essection de ses officiers, voulant choisir quelqu'vn qui le peust soula-

ger en la charge de ses affaires, & qui peust dignement porter son image deuant son peuple, fit choix de Messire Pompone de Belieure pour son Chancelier en France, authorité qu'il a conserué iusques à la mort. Mais vous souuenez-vous combiélaioye fut grande de tous les Ordres en ce Royaume pour ceste eslectió? combien les vœuz & les acclamations du peuple, combien l'allegresse des officiers de la Iustice, combien les actios de graces de l'Eglise benissoient le choix de sa Majesté, conceuans toutes choses hautes & magnifiques sous la conduite d'vn si grand, si auguste, & si venerable Chancelier? Ceste charge, comme la premiere de l'Estat, est aussi fort ancienne, & n'y a presque point de nation au monde, qui n'aye eu quelque image de ceste authorité. Surquoy ie me veux abstenir deuant vous des vaines & curieuses recherches; Centuria seniorum agitant expertia frugis, & me contenter de dire, que ce qu'estoit le Questeur chez les Romains, ayat la face du Prince pour son seau, & le pou-uoir de publier les loix & les ordonnances du Souuerain, come nous lissons au liure des Notices de l'Empire Romain; ce qu'estoit le Scribe chez les Iuiss, & encor chez les Payens, c'est le Chancelier en France:

Hic est qui leges regni cancellat iniquas,

dict Polycraticus. C'est l'œil du Prince, par lequel il regarde la face de son Estat; c'est son oreille, par laquelle il entend les plaintes & les necessitez de ses sujets; c'est sa langue, qui declare sa volonté, & prononce au Royaume les oracles de ses Edits; c'est en sin, Legum prasidium, iuris

I

asslum, morum institutorumque ara. Et quant à son pouuoir & son excellence, on peut faire valoir ce que nous lisons aux Actes des Apostres chapitre dixneuf, où le Scribe, qui representoit cét office, appaisa la grande sedition d'Ephese, qui estoit esmeue contre son Paul, à cause du temple de Diane. A quoy ie veux adiouster en passant une chose digne de remarque. Dans la Genese chapitre 49. nous lisons ceste grande Prophetie, qui regardoit le Messie à venir, en ces termes: Non auferetur sceptrum de Iuda, er Dux de semore eius, donec veniat qui mittédus est. Quelques doctes tournent de l'Hebreu; Non recedet virga de Iuda, & Scribens de inter pedes eius, donec veniat qui mittëdus est. Que le sceptre ne sera point osté à la tribu de Iuda, ny le grand Scribe d'entre les pieds du souverain

que le Messie ne vienne. Grande prophetie! rencontre fauorable! d'auoir tellemet vny l'Estat de ce grand Scribe à la Royauté, que de les auoir mis ensemble pour seruir de marque au temps de la venuë du fils de Dieu, Monarque souuerain du ciel & de la terre. Or ceste authorité arriuant à nostre defunct, n'est-ce point voir la vertu tousiours esclairante, & non iamais esteinte, & laquelle saduançant par tous les degrez, va receuoir la couronne au throsne de la gloire, pour verisier ce que i'ay dit au commencement: Iustorum semita, quasi lux spendens, procedit & crescit vsque ad perfectam diem? Chose rare & precieuse dans ce monde, que de continuer la montée toute sa vie, sans s'arrester ou descendre; & de voir vne vertu constante & heureuse, croistre tousiours en lumiere iusques à la fin; par-

I ij

ce que, dit Platon, Nartecophori quidem multi, Bacchi verò perpauci.

Mais i'admire icy vn combat glorieux de son merite & de sescharges, & vne sainte emulation, par laquelle il se rendoit d'autant plus digne, que plus on luy presentoit de dignitez. Que dirons-nous de ceste douce grauité empreinte sur sa face, & de ceste patience, auec laquelle parlant peu, il escoutoit beaucoup? Aussi les Lacedemoniens representoient Iuppiter auec quatre oreilles; & Pallas ne veut point tant de mal aux autres animaux, qu'à la corneille, pour son bruit & son caquet. Que dirons-nous de cét esprit tranquille, exempt de colere & de toutes passions, tant necessaire à ceux, qui tiennent en leurs mains l'honneur & la teste des hommes ? Aussi Saturne, le plus dangereux planete,

roule plus lentement que les autres; Et come dit sainct Augustin, la verge que Dieu donna à Moyse pour le chastimét de l'Egypte, ne sut point changée en lion, qui se met en fureur promptement, & done la mort sans recognoistre; mais en serpent qui rampe doucement, & est tardif à s'approcher; afin que les hommes ayans horreur n'en reçoiuent que la menace. Que dirons-nous de ceste integrité in expugnable, auec la quelle il exerçoit la iustice, sans apprehension des qualitez ou de la puissance du monde? Aussi la Vierge, au ciel est entre la balace & le Lion; comme l'Astrée Françoise est entre l'equité & la force: & ceux de l'Areopage d'Athenes, ne iugeoiet que de nuict, pour n'auoir acception des personnes. Que diros-nous de ceste prudence & sagesse, laquelle estant

née auec luy, resplendissoit en ses vieux iours? Aussi la vieillesse, estant proche du resueil d'vne vie meilleure, ressemble aux songes du matin qui sont plus veritables; car le matin le sang impur descéd, qui estoit moté au comencement du dormir, & le purifié demeure; dedans lequel, come dedans vn miroir, se forment les plus vrayes & les plus parfaictes images. Bref que diros-nous, & quelles louanges arriuerontiamais au merite de tant de vertus & diuines qualitez, par lesquelles il enseigne de son cercueil quelles sont les parties necessaires au souuerain Magistrat?

It ne restoit que le dernier passage, qui deuoit couronner la grenade de ses perfections. Sçachant donc la loy establie aux hommes de viure en ce monde pour mourir, & sentant de bonne heure dessaillir les forces

de son corps, il tourna toutes ses penfées à ce voyage : Et combien que toute sa vie passée rédist tesmoignage de sa pieté; neantmoins comme le mouuement naturel est tousiours plus fort vers la fin qu'au commencemet; aussi en ceste derniere actio, son zele, sa foy, sa deuotion, rendiret plus d'effects de leur saints mouuemens. Apres doc auoir visité sa conscience, & rendu compte à Dieu de ses actios à l'oreille du Confesseur, il luy demeuroit le desir de receuoir le Pain de vie, & le sain & Sacrement de l'Autel; desir si grand, qu'ayant perdu la parole, comme on luy demanda sil le vouloit, ouurant les yeux il respandit des larmes. Cœur inuincible & Chrestien! qui ne pouuat tesmoigner son desir par la langue, le tesmoigne par les yeux, afin qu'autant de gouttes qu'ils versoient, fus-

sent autant de demandes & de chaudes prieres de receuoir son Dieu: Lequel ayat receu deuotement auec foy & charité (come il le tesmoigna par sa cotenance abysmée dedans le rauissement) & apres auoir donné d'autres larmes pour la benediction de ses enfans, laissant l'honneur à sa famille, la memoire à son nom, le regretà la France, son corps au sepulchre, il rend son ame à Dieu. Belle ame! qui lassée de nos miseres & des afflictions de ceste vie mortelle les auez changées pour le repos du ciel! Mais helas! en ce iour la France perd vn fidele coseiller, la Iustice vn flambeau, l'innocence vn appuy, les pauures vn tuteur, la paix vn amy, l'Eglise vn defenseur. O dure mort! que tu nous rauis de biens! que tu nous apporte de regrets!

CEPENDANT que vous semble,

Meslieurs,

Messieurs, de la vie des hommes & de sa vanité, laquelle dés sa naissance ne cesse de precipiter son cours à trauers des infirmitez & des douleurs pour se rendre au tombeau, qui reduit au neant la pompe de la terre? Celuy qui ces années passées possedoit les charges plus eminentes du Royaume, n'est maintenant qu'vn peu de poussiere das le cercueil. C'est icy la fin & le couchant des honeurs; tout ce que les hômes admirent en ceste vie, se brise contre cét escueil: O vita (dit S. Augustin) qua tantos decipis, qua dum surgis nihil es, dum videris vmbra es, dum exaltas fumus es! A raison dequoy les Druides faisoiét si sagement de ne compter leurs années & leurs mois que par les nuicts, pour monstrer que ceste vie se passoit dedans les tenebres. Que deuiendront maintenat toutes ses hautaines con-

ceptions sur la grandeur de l'hôme? Dequoy nous seruira de dire, que toutes choses seruet & cotribuent à nostre composition, que de la terre nous auos les os & la chair, l'humeur de l'eau, la respiration de l'air, la chaleur du feu, de la Lune le mouuemet, de Mercure les arts, de Venus la grace, du Soleil la vie, de Mars la vigueur, de Iuppiter la vertu, de Saturne la force; si en fin tout cela s'esuanouit en vn moment, lequel par dessus nous fait rougir de la souuenance de nos fautes? Car la mort estant naturelle aux choses de ça bas, est encor' honteuse à l'homme, qui luy a esté donné en proye par son peché; & qui a rendu sa condition tant differente de celle qu'il auoit au premier estat d'innocence & de justice. Ie confesse que l'homme en sa nature droite & entiere estoit vn riche

pourtraict des merueilles de Dieu, enfant du ciel, Prince legitime de l'vniuers; mais il a esgaré ces titres lors que par sa lascheté il s'est r'auallé en terre, pour marcher du pair auec les bestes. L'homme est vnanimal adorable & admirable, comme parlent les prestres d'Egypte, mais cela sentéd lors, que la glace pure de son ame represente la Deité. L'homme est vn grand miracle, dit Mercure Trismegiste, mais cela s'entend lors, qu'il vnit en soy les choses divines & humaines sans les cofondre. L'homme est uirgor à mairror mesure de toutes choses, dit Pytagoras, mais cela fentend lors, que ceste mesure n'est point faulse par le ply de ses passiós. L'homme est vn exemplaire de l'vniuers, dit Theophraste, mais cela fentendlors, que les viues couleurs de la iustice ne sont point esfacées

par ses pechez. L'home est vn Dieu terrien, dit Platon, mais cela s'entend lors, que ses actions sont de l'esprit de Dieu. L'hôme est vn abbregé du monde, dit Pline, mais cela s'entend lors, que ce petit monde n'est point en desordre & confusion: Car lors qu'elle arriue, come nous la voyons, nous la sentos, nous la pleuros. C'est vrayemét vn animal admirable, mais en ses excez, c'est vn miracle, mais en desbordemés; c'est vne mesure, mais de tous les defauts; c'est vn exemplaire, mais de toute iniustice; c'est vn Dieu terrien, mais plustost idole de vanité; c'est vnabbregé, mais de toutes douleurs & de toutes miseres. Et comme les souueraines beautez durant la vie fontles choses plus hydeuses & plus puates apres la mort: ainsi tout ce qu'estoit de beau & de grand en l'homme durant son integrité, n'a

seruy que pour le descrier d'auanta-

ge en ses pechez.

Mais ce discours ne fait qu'apporter du regret aux ames bié nées par le reproche de nostre premiere cheute, ilvaut mieux direque la mort, qui nous deuroit seruir de honte, sert de passage à nostre honneur & à nostre repos. Les ancies l'ontainsi creu, come Lycurgue le tesmoigna, ordonat que les morts seroiet enseuelis entre les rameaux d'oliviers, pour dire que la mort estoit la fin de la guerre, & le comencement de la paix. Les Dieux mesme chez les Payes en recognoissoient leurs plus fidelles seruireurs, comme Agamedes & Trophonius, qui ayant basty ce beau temple d'Apollon, la receurét pour recompense. En fin; Mors nec horrenda videri debet viro forti, nec immatura Consulari, necmira sapienti; & en quelque temps

qu'elle nous prenne, ce n'est iamais trop tost, si nous auons bien vescu. Et partant on ne se peut plaindre de la briefueté de nosiours; car celuy qui le feroit, ne verroit pas que nous auons beaucoup de temps, mais que nous en perdons beaucoup. La vie est assez longue, qui est bien employée, mais cellequi s'emploie mal, nous estonne vers sa fin, de voir si tost passé, ce que nous tenions pour immobile. Nous ne sommes donc point pauures de temps, mais prodigues, & la vie n'est point briefue, mais nous l'abregeos, car ce que no? viuos mal, n'est pas vescu. Heureux, qui durant la course de ce mode iette ses yeux sur la fin, & qui desire les choses durant sa vie, qu'il faudra souhaitter en sa mort!

Extraict du Privilege du Roy.

AR grace & Privilege du Roy, il est permis à Rolin Thierry, Marchand Libraire & Imprimeur, d'imprimer ou faire imprimer, vendre & debiter; l'oraison funebre faicle és obseques de feu Messire Pompone de Belieure Chancelier de France, prononcée en l'Eglise S. Germain de l'Auxerrois, le dixseptiesme Septembre dernier, Par M. PIERRE FENOLLIET Docteur en Theologie, Predicateur ordinaire du Roy, & nommé par sa Maiesté à l'Euesché de Montpellier: Et desenses sont faictes à tous Marchands Libraires, Imprimeurs, & autres, d'imprimer ou faire imprimer ladite Oraison funebre, en quelque sorte & maniere que ce soit, sinon du consentement dudit THIERRY, & ce durant le temps de six ans entiers & accomplis, à peine de confiscation de tous les exemplaires, & de deux cens escus d'amende, moitié applicable aux pauures, & l'autre moitié audit THIERRY. Voulans en outre, que mettant à la fin ou au commencement de ladite Oraison funebre, vn extraict sommaire des presentes, elles soient tenuës pour suffisamment notifiées sans autre signification, à ce qu'aucun n'en pretende cause d'ignorance, comme plus amplemét est porté par les Lettres Patentes. Données à Paris, le vingt-vniesme Septembre mil six cens sept.

Par le Roy, En son Conseil,

My-th attack and a